



KERKBODE



Ek wil asb inteken op Verskil / Kanselleer asb my intekening op Verskil

- ❖ Noordelike Sinode se **facebook** (<http://www.facebook.com/noordsin>) en **twitter** (<http://www.twitter.com/noordsin>)
- ❖ Verskil-argief
- ❖ Geloofsvorming webblad: [www.noordsingeloof.co.za](http://www.noordsingeloof.co.za)
- ❖ Lig & Kerkbode
- ❖ Stabilis: [www.stabilis.org.za](http://www.stabilis.org.za)
- ❖ Kerkgeboue in SA: <https://www.facebook.com/Kerkgeboue>
- ❖ Badseloop kampterrein: [Vir.besprekings](mailto:Vir.besprekings), kontak Franscois Genis, (h)014-743 3110 of 082 852 9998, [epos.badseloopjeugkamp@gmail.com](mailto:epos.badseloopjeugkamp@gmail.com)
- ❖ Emmarentia Geldenhuys Sendingsentrum: [nuwe webwerf: www.egst.co.za](http://www.egst.co.za)
- ❖ Magaliesberg Jeugkampterrein: [kontak Natasha du Preez](mailto:kotak.Natasha.du.Preez), sel 083 778 4102

**12 Februarie 2016**

**Nr 6/2016**

## **Sinodale nuus**

### ❖ **Droogtehelp 2016**

Die effek van die droogte op die totale ekonomie gaan waarskynlik baie groter wees as wat ons nou al beseef. Die moderatuur het daarom besluit om as deel van die Algemene Sinode se inisiatief in samewerking met AgriSA en TLU, R200 000 vir droogtehelp beskikbaar te stel. Hierdie geld is o.a. afkomstig uit reserwefondse wat spesifiek vir gemeenskapsnood geormerk is. Die bedoeling is dat hierdie fondse primêr in ons sinodale gebied aangewend sal word.

Ons sou graag wil hê dat hierdie R200 000 tot 'n substansiële bedrag sal groei en daarom wil die moderatuur gemeentes aanmoedig om moeite te doen om ook bydraes te gee. Dalk kan 'n gemeente 'n deurkollekte of twee hou, of op ander maniere fondse hiervoor genereer. Ons wil vra dat ons almal moeite doen om voor die skole in Maart sluit, hulle bydraes in die sinode se rekening (kyk hieronder) in te betaal. Merk dit asb. net baie duidelik "Droogtehelp".

Ons het verlede week berig dat Chris Lötter van Waverley ingewillig het om *Projek Droogtehelp* in ons sinodale gebied te koördineer. Lees gerus weer sy aangehegte brief indien jy dit dalk verlede week mis gekyk het ([kliek hier](#)). Indien jy dalk die begin van die droogtehelp-inisiatief gemis het, kan jy ook weer na Gustav Classen van die Algemene Sinode se aangehegte brief loer ([kliek hier](#)).

Chris Lötter het baie belangrike *vraelyste* oor die droogtehelp saamgestel. Kyk asb daarna ([kliek hier](#)) en reageer asb. so gou moontlik.

Ons wil ook weer vra dat mense foto's van droogtehelp-inisiatiewe met ons sal deel. Stuur dit asb aan Chris by [chrislotter@ngwaverley.co.za](mailto:chrislotter@ngwaverley.co.za) of aan Hermien by [hermien@noordsin.co.za](mailto:hermien@noordsin.co.za). Kameeldrif gemeente is betrokke by 'n inisiatief om gesnyde gras van grasperke as voer te benut. Kyk asb. daarna by <https://www.facebook.com/hoopgras/timeline>.

#### **Bankbesonderhede:**

NEDBANK

Rek naam : NG Kerk Noordelike Sinode

Rek no : 1497 016 339

Tak kode : 198 765

Verwysing: Droogtehelp

### ❖ **Missionale Transformasie**

Die Algemene Sinode het besluit dat *Missionale Transformasie* deel van die NG kerk se bediening moet word. Missionale transformasie sluit vier bedieningsfokusse in: Erediens en liturgie, Lidmaatbemaatting, Missionale ekklesiologie en Gemeentebediening.

- Jy is welkom om die **1 Maart** om 09:00 - 13:00 by Kameeldrif by een van die bedieninge te kom aansluit. Ons gaan die oggend koffie drink en planne maak oor hoe ons gemeentes kan help.
- **Kontak gerus een van die volgende:**  
 Erediens en liturgie: Dieter de Bruin - [debruindieter@gmail.com](mailto:debruindieter@gmail.com).  
 Lidmaatbemagtiging: Amos Schreuder - [amos286@gmail.com](mailto:amos286@gmail.com)  
 Missionale ekklesiologie - Jana de Lange - [jana@universiteitsoord.co.za](mailto:jana@universiteitsoord.co.za)  
 Gemeentebediening - Chris Harris - [chris.celebratelife@gmail.com](mailto:chris.celebratelife@gmail.com)
- Jy is welkom om *Willem Pretorius* te skakel: [willem007@me.com](mailto:willem007@me.com)

## ❖ **Badseeloo Skoliekamp 2016:**

**Personeel:** Almal wat wil personeel wees vir die 2016 Badseeloo Skoolverlaterskamp: **Maak die datums vas!!**

**Personeelkamp:** 23-27 Maart 2016

**Skoliekamp:** 11-17 Julie 2016

**Gemeentes:** **Stuur julle Belydenisklasse asook Matrieks – hulle wil dit nie mis nie!**

Maak dit deel van julle 2016 - Beplanning!

**Klankopname van onderhoud:** *Ds Johan Avenant* en *Tommie Rademeyer* gesels oor die Skoliekamp. Leraars kan jongvolwassenes in hul gemeente sterk aanmoedig hierheen. Dit is 'n toerustingsgeleentheid, plek om vriende te ontmoet en plek om heerlik te ontspan [Besook: <https://soundcloud.com/sarina-prinsloo/badseeloo-skoliekamp-interview-pretoriafm-2016>]

**Meer info en vir aanlyn inskrywings:**

**Web:** [www.skoliekamp.co.za](http://www.skoliekamp.co.za)

**Facebook page:** *Badseeloo skoolverlaterskamp*

**Kamplieer:** George Dickenson – 082 456 7333/ [5.0georgedickinson@gmail.com](mailto:5.0georgedickinson@gmail.com)

**Diensleidster:** Sarina Prinsloo - 072 123 1707 / [skoliekamp@gmail.com](mailto:skoliekamp@gmail.com)

**Leraar:** Ds Johan Janse van Rensburg – 072 735 8811/ [dsjoe@ngwps.co.za](mailto:dsjoe@ngwps.co.za)

## ❖ **Bybel-lees met 'n verskil:**



Die **volgende byeenkoms** vind op **16 Februarie 2016** om 11:00 by **Blue Crane Restaurant** plaas.

**\*\* Skriflesing: Lukas 13:31-35**

**\*\* Navrae:** *Kobus Myburgh* (083 227 7185) of *Fanie Cronjé* (083 415 1452)

## ❖ **Harmonie Park: Markdag!!! - 5 Maart 2016, 09:00-13:00** [Steve Biko straat 125, Sunnyside]



Fondse word aangewend vir die opgradering van beide fasiliteite.

- Eetgoed, handwerk, wit olifant tafel, skilderye, teetuin.
- Veilige parking beskikbaar.
- Donasies ook welkom.

**Versoek:** Indien u kan help met verkope die dag van die mark of met enige donasies van koeke, koekies, koeksisters of ander gebak asook enige wit olifant items, sal dit waardeer word.

Ons is ook op soek na 'n donasie van R4 000 om 'n markiestent 'n markiestent te huur om op die grasperk langs die saal op te slaan sodat daar genoeg plek vir lekker kuier is. 'n Kleiner gedeelte van die bedrag is ook welkom.

**Navrae:** 012-341 4816 / 012-440 3357 [[www.harmoniepark.co.za](http://www.harmoniepark.co.za)]

## **Kollegaanus**

### ❖ **Ons innige meegevoel met:**

**Chris en Franciska Harris** (Potgietersrus-Suid) met die afsterwe van Franciska se pa.

### ❖ **Verjaarsdagwense**

Hartlik geluk aan die volgende persone met die herdenking van hul geboortedag:

- |       |   |
|-------|---|
| 14/02 | Jannie Hamman [Ellisras-Wes, 082 813 9692, <a href="mailto:jj@weskerk.co.za">jj@weskerk.co.za</a> ]<br>Tokkie Scheepers [Emeritus, 046 654 0407, <a href="mailto:tokkie@lantic.net">tokkie@lantic.net</a> ]   |
| 16/02 | Niekie Lamprecht [Pretoria-Oos, 083 254 4232, <a href="mailto:niekie@ooskerk.org.za">niekie@ooskerk.org.za</a> ]  |
| 17/02 | Attie Nel [Waverley, 082 418 5054, <a href="mailto:attie@ngwaverley.co.za">attie@ngwaverley.co.za</a> ]   |
| 18/02 | Jacques Erasmus [Hulp en Hoop, 072 653 9845, <a href="mailto:jacques@ngpottiessuid.org.za">jacques@ngpottiessuid.org.za</a> ]   |
| 20/02 | Gustav Claassen [Sekretaris: Algemene Sinode, 082 856 1943, <a href="mailto:gustavcl@mweb.co.za">gustavcl@mweb.co.za</a> ]<br>Peet Crous [Lynnwood, 079 893 5572, <a href="mailto:peetcrous@gmail.com">peetcrous@gmail.com</a> ]<br>Bernard Rademeyer [Emeritus, 083 231 3033, <a href="mailto:bernardrademeyer1@gmail.com">bernardrademeyer1@gmail.com</a> ] |
| ..... |   |
| 14/02 | Gerda Barnard [Valhalla-Suid, 012-660 2877, <a href="mailto:hjibarnard5@gmail.com">hjibarnard5@gmail.com</a> ]<br>Christa Lambrechts [Wespoort, 012-546 8859, <a href="mailto:hendrikl@telkomsa.net">hendrikl@telkomsa.net</a> ]  |
| 17/02 | Jukie de Vos [Wonderboompoort, 012-377 0206, <a href="mailto:whdevos@gmail.com">whdevos@gmail.com</a> ]   |

## **Gemeentenuus**

- ❖ **Wonderboom-Suid: Wêreldbiddag vir Vroue geleentheid - 4 Maart 2016** om 19:00 in die kerkgebou, 12de Laan 920, Wonderboom-Suid.  
**Program vir die aand sluit in:**
  - Koorsang - Optrede deur die Conwonnité Koor olv Mnr Albert Morland
  - Gebede deur lede van Diensgroepe
  - Daar sal geleentheid wees vir individuele persone wat 'n gebed wil doen,
  - Tyd sal egter ook ingeruim word vir stilgebed**Navrae:** Suzette, tel 012 3311936 / sodk@mweb.co.za.
- ❖ **Mootvallei** hou op **20 Maart 2016** om 15:00 'n orreluitvoering met kaas en wyn – **“Orrelklanke in die Herfs”** deur Pieter van den Berg. Kaartjies R150 p/p. Kontak gerus die kerkkantoor 012- 3350611 vir besprekings.

## **Gebedslys**

Hiermee 'n vriendelike uitnodiging aan ons lesers, om enige sake vir voorbidding aan ons deur te stuur – stuur dit direk aan [hermien@noordsin.co.za](mailto:hermien@noordsin.co.za).

- Chris Harris [Hulp en Hoop] is onlangs in Pretoria geopen.
- Leraars en proponente wat in afwagting is vir 'n beroep. Dink veral ook aan hulle gesinne.
- Gemeentes en lidmate wat finansieël baie swaar kry.
- Reën en oplossings vir die gevolge van die droogte.

## **Ander nuus**

- ❖ **Stabilis** bied 'n werkwinkel aan: **“Teenagers and substance abuse”**  
**Datum:** 1 Maart 2016 [08:00-15:00] – Sluitingsdatum vir inskrywings: 23 Februarie 2016  
**Plek:** Haarhoffstraat-Oos 1229, Môregloed, Pretoria  
**Aanbieders:** Drr Elca Erlank en Michiel van der Merwe  
**Navrae:** Michelle Louw (012-333 7702, [info@stabilisc.co.za](mailto:info@stabilisc.co.za))  
**Vir volledige inligting besoek:** <http://www.stabilis.org.za>
- ❖ **“Fresh Expressions” van die Kerk 2016**  
**Gauteng byeenkoms: Pretoria (Saturdays):** 5 March; 9 April; Fri 20—Sun 22 May (Heron Bridge); 11 June; 23 July; 10 September and 15 October. **Bryanston (Wednesdays):** Saturday 5 March (Pretoria); 13 April; Fri 20-Sun 22 May (Heron Bridge); 15 June; 27 July; 14 September; 19 October.  
**Please contact** Jana de Lange on 076 835 5525 or [fe.gauteng@gmail.com](mailto:fe.gauteng@gmail.com)  
**Limpopo byeenkoms:** 6 kontakgeleenthede vind plaas in Polokwane en Bela-Bela. Die byeenkomste vind onderskeidelik plaas op 'n Woensdag van 09:00 – 16:00 en Saterdag. VBO-punte: 60 punte.  
**Kontak** vir Robbie Novella, 083 400 6152, [robbie.report@gmail.com](mailto:robbie.report@gmail.com) of vir Hannes Bezuidenhout, 083 382 1275, [hannes@ngnoord.co.za](mailto:hannes@ngnoord.co.za).
- ❖ **Studietoer 11 na die VSA: Sentrum vir Kontekstuele Bediening**, Universiteit van Pretoria - 29 Oktober – 21 November 2016. **Onder leiding van Prof Malan Nel**  
Besoeke aan:
  - 13 diverse plaaslike gemeentes (gevestigde missionale gemeentes en 'emerging' gemeentes) met insette van hulle leiers (in 2013 het meer as 100 persone voor die groep opgetree),
  - 11 bekende teoloë van leidende Teologiese Seminaria met insette en perspektiewe in hulle vakgebiede en
  - Van die VSA se bekendste besienswaardighede in 6 stede landwyd kan mos niemand onaangeraak laat nie. Voeg hierby byna daaglikse evaluering en gesprekke as toergroep!Ek is oortuig dat breë en gebalanseerde blootstelling nodig is wanneer iemand die VSA besoek. Eensydigheid in daardie groot land is nie moeilik nie. Die studietoer dra ook erkenning vir Voortgesette Bedieningsontwikkeling vir predikante van die NG Kerk.  
**Vir meer inligting kontak** Malan Nel by [malannelup@gmail.com](mailto:malannelup@gmail.com)

## Vakatures, aflosposte en aflos-aanbiedinge

### ❖ Wesmoot beskik oor 'n **vakature vir 'n 1 jaar vaste termynpos**.

Die gemeente is in die Weste van Pretoria geleë en bestaan hoofsaaklik uit 'n kleinhoewe-gemeenskap met 'n lidmaattal van ongeveer 1129 (doop- en belydende lidmate). Die gemeente beskik tans nie oor 'n leraar nie. Alle aansoeke moet per e-pos gestuur word na: wesmootngk@xsinet.co.za.

**Navrae:** Oudl Thys Kotzé (082 362 7427) of oudl Wimpie Jonck (084 800 9877).

**Sluitingsdatum vir aansoek:** *22 Februarie 2016*

**Diensaanvaarding:** Soos ooreengekom met die kerkraad.

### ❖ Magaliesberg Jeugkampterrein beskik oor 'n **vakature vir 'n Terrein Bestuurder**.

\*\* Vir verdere inligting [kliek hier ...](#)

### ❖ Lys van leraars wat aangedui het dat hulle beskikbaar is om deelyds of op 'n kort termyn uit te help - [Kliek hier](#)

**Naamlys van proponente wat 2015 by UP gelegitimeer is** – [kliek hier](#).

## Ten slotte

Lees hierdie brief aan 'n boer, geskryf deur 'n 16-jarige jongman. [Beeld van 11/02/2016] ... [kliek hier](#)

## BYLAES

### Droogtehulp vraelyste



#### NG KERK NOORDELIKE SINODE

*Sinodehuis: Steve Bikoweg 125B, SUNNYSIDE, 0002*

Posbus 28353, SUNNYSIDE, 0132

#### Droogtehulp-behoeftebepaling **Leraarsvraelys**

1. Naam van Gemeente? .....
2. In watter Dorp/Stad/Streek is die gemeente geleë?.....
3. Naam en Van van Leraar? .....
4. Kontaknr's en eposadres(se) van Leraar(s)?.....  
.....
5. Kontakpersoon en Kontakbesonderhede tov Droogtehulp / Deernis / Diens van Barmhartigheid in Gemeente?  
.....
6. Word jul omgewing geraak deur die huidige droogte toestand in die land?  
Ja: ..... Nee: ..... Nog nie: ..... Onseker: .....
7. Indien nie: Beantwoord asb die volgende vrae:
  - 7.1 Sal jou gemeente graag 'n Bydraende Gemeente wil wees?  Ja  Nee
  - 7.2 Sal jou gemeente graag 'n Hulpverlenende Gemeente wil wees?  Ja  Nee
  - 7.3 Indien wel, Voltooi asb die res van die Vraelys. Sou jy belangstel om gebruik te maak van die volgende gratis dienste:

7.3.1 Traumaberaders?  JA  NEE

7.3.2 Genomineerde leraars wat spesifieke eredienste kom lei tov die trauma wat beleef word?  JA  NEE

8. Boerdery-gemeenskap

8.1 Hoe sou jy die droogte situasie in jul omgewing beskryf?

.....  
.....  
.....

8.2 Hoeveel boere in jul omgewing word intens geraak deur die droogte?.....

8.3 Watter Hulporganisasies is alreeds betrokke in jul omgewing?

.....  
.....

8.4 Watse hulp is alreeds verleen in jul omgewing? .....

.....  
.....

9. Dorpsgemeenskap

9.1 Hoe word huisgesinne in die dorp tans deur die droogte geraak? .....

9.2 Op watter wyse is jul gemeente alreeds betrokke in hulpverlening? .....

.....  
.....

9.3 Watter hulp sou jy graag van die sinode wou ontvang? .....

.....  
.....

10. Enige inligting wat jy graag aan die sinode sou wou deurgee? .....

.....  
.....  
.....  
.....

[Terug](#)

## **NOORDELIKE SINODE DROOGTEHULP 2016**

As gemeentes van die Noordelike Sinode wil ons baie graag betrokke wees by die droogtehelpprogramme in ons streek en dalk ook elders in die land. Die uitdaging is om op 'n gegewe stadium presies te weet waar en hoe om hulp te verleen. Ons benodig baie inligting om 'n daadwerklike verskil te maak, daar waar dit saak maak.

Die NG Kerk het intussen begin om 'n paar dinge in plek te kry soos 'n webtuiste en 'n Facebook-blad. Koördineerders word in elke streeksinode aangewys en 'n **Droogtehelpnoodfonds** is ook geskep en uitbetalings het alreeds begin plaasvind. Beradingsdienste is beskikbaar om mense in nood by te staan.

Ons het jou hulp en samewerking dringend nodig om regtig omvattend en volhoubaar te kan help. Ons weet dat ons kerk se leraars oor eerstephandse inligting beskik aangaande die nood in hul gemeentes en dorpe. Jy ken die gemeenskap waarin jy leef en jy weet van die menslike dramas wat in huisgesinne afspeel waar inkomstebronne opgedroog het en van die spanning en onsekerhede wat daarmee gepaard gaan. Ons wil graag die volgende versoeke rig:

1. Besoek asb die webtuiste [www.ngdroogtehelp.co.za](http://www.ngdroogtehelp.co.za) en die Facebook-blad.
2. Kommunikeer asb dringend hierdie inligting deur na die gemeente en gemeenskap sodat lidmate en ander mense inligting rakende nood waarvan hulle weet, kan deurgee en kan kom aanklop vir hulp.
3. Sommige gemeentes wil Hulpverlenende Gemeentes wees, terwyl ander Bydraende Gemeentes wil wees. Ons wil graag van almal hoor en weet. Kontak ons asb sodat ons jou hiermee behulpsaam kan wees.
4. Gebruik asb hierdie ernstige situasie in ons land om die gemeente met toepaslike liturgië, gebede, preke en pastorale omarming, te troos, te bemoedig en te versorg.

Ons be-oog om jou binnekort van 'n vraelys te voorsien, waarmee jy elke hulpbehoewende geval se nood in diepte kan bepaal, sodat mense in hul eksistensiële nood bygestaan kan word. Dit sal ons baie help om hulpprogramme te kan identifiseer en te koördineer.

Baie dankie vir jou samewerking. Ons hoor graag van jou.

Vriendelike groete,  
Chris Lötter  
Droogtehelp: Koördineerder Noordelike Sinode  
[chris@ngwaverley.co.za](mailto:chris@ngwaverley.co.za) / 084 586 6552.

[Terug](#)

## **NG Kerk DROOGTEHULP 2016**

Die NG Kerk is pynlik bewus van die nood en lyding wat veroorsaak word deur 'n ongekende en wydverspreide droogte. Talle gemeenskappe, wat NG- en familiekerke se lidmate insluit, staan voor groot uitdagings. Kenners waarsku dat baie negatiewe scenarios rondom voedselsekuriteit, skuld, die ekonomie, werkloosheid en misdaad die gevolg van hierdie droogte kan wees. Die NG Kerk voel haar geroepe om gemeenskappe, mens en dier, in nood te ondersteun. Dit is 'n ongelooflike geleentheid om getuienis te lewer. Projekte is reeds deur gemeentes, ringe en sinodes geloods. Daar is egter 'n noodsaak om hulp te koördineer ten einde die grootste verskil te kan maak.

Die NG Kerk het 1200 gemeentes landwyd. In die meeste gemeentes is daar 'n predikant met 'n leierskapstruktuur en passiewolle lidmate. Elke gemeente het fasiliteite en 'n infrastruktuur, ook dié sonder predikante. Baie gemeentes of ringe het toegang tot 'n maatskaplike werker. Gemeentes het lidmate met bronne, nie net wat finansies betref nie, maar ook ten opsigte van kundigheid, ervaring, ens.

### **Wat is sover gedoen?**

Die Sinode van Wes-en-Suid-Kaapland het alreeds hul droogtehelpprojek van stapel gestuur. Hierdie poging word geloods onder die vaandel van **NGDroogtehelp**. 'n **Webblad** met die adres [www.ngdroogtehelp.co.za](http://www.ngdroogtehelp.co.za) is registreer en sal teen vroeg volgende week aktief wees. Die projek kan ook op **Facebook** by **NGDroogtehelp** sowel as op **Twitter** gevolg word by **#NGDroogtehelp**. Die sukses van 'n projek hang af van goeie koördinerings. Om hierdie rede sal dié betrokke adresse landwyd gebruik word vir kommunikasie rondom die NG Kerk se hulpverlening.

'n Kantoor met kapasiteit wat die projek sal help bestuur, is alreeds in plek. Ds Leon Venter, PSD van die Sinode van Wes-en-Suid-Kaapland, is reeds betrokke by 'n projek in dié sinode. Hy het logistieke steun en sal op hierdie stadium, in samewerking met die Algemene Sekretaris, die projek koördineer. Indien persone deur hul sinodes benoem word, sal hul inligting deurgegee word.

Tans is daar allerhande inisiatiewe wat deur gemeentes onderneem word. 'n Voorbeeld daarvan is 'n *Liturgie vir tyd van verootmoediging in die erediens* wat beskikbaar gestel is deur Riversdal-Wes se gemeente. Dit sal binnekort beskikbaar wees op die NG Kerk se webtuiste [www.ngkerk.org.za](http://www.ngkerk.org.za).

Die NG Kerk was die afgelope tyd in gesprek met verskeie belangegroepes in die landbou-omgewing. Na gesprek met die TLU en Agri-SA is daar 'n aantal behoeftes geïdentifiseer:

- Voorbidding
- Traumaberading
- Finansiële bystand
- Voedsel
- Voer vir diere itv beskikbare weiveld, gras en ander voer.

Die NG Kerk is steeds in gesprek met landbou-organisasies om die brandpunte te identifiseer waar die nood die grootste is. Hierdie inligting is belangrik vir die koördinerings van die projek. Die TLU en Agri-SA is besig met navorsing in die verband en die resultaat daarvan sal eers later bekend wees. Tans wil dit voorkom asof die volgende streke die ergste getref is:

- Noordwes
- Vrystaat
- Noord-Kaap
- Noord-Natal
- Oos-Kaapse binneland
- Kaapse Weskus

In ander streke gaan dit beter en is toestande baie goed in terme van reënval, weiding en oes-vooruitsigte.

### **Hoe wil die kerk betrokke raak?**

Die NG Kerk werk deur gemeentes. Gemeentes moet in staat gestel word om hulpverlening aan hul gemeenskappe te bied. In dié verband moet gemeentes torings van hoop wees. Dit kan gebeur deurdat gemeentes die volgende doen:

- Voorbidding vir boere, plaaswerkers in nood asook vir diere en die natuur wat swaarkry.
- Traumaberading, die TLU sowel as Agri-SA het beklemtoon dat dit 'n geweldige behoefte is. VBO instansies soos Exelsus, Shepherd, Communitas, Hospi-visie en Coram Deo sal versoek word om geleenthede te skep om lidmate en gemeentes toe te rus in die verband.
- Geldelike bydraes: 'n Rekening is reeds geskep en sal deursigtig met verantwoording bestuur word. Die rekeningbesonderhede is:

**ABSA**

**Tjekrekeningnr.:407 842 5238**

**Rekeningnaam: NG Kerk in SA**

**Takkode: 632 005**

**Verwysing: Naam en Van of Instansie/Gemeente of Droogtehelp indien anoniem.**

'n Bedrag van R272 000.00 is reeds ingesamel en die eerste mikpunt is R2 miljoen.

- Voedsel, nie-bederfbare items met hoë voedingswaarde en wat maklik ingesamel en versprei kan word, word benodig. Dit moet beperk word tot 'n kortlys van: droë bone, rys, meel, blikkies vis, vleis, mielies, bone, ertjies asook soppoeier, melkpoeier sout en suiker.
- Voer in enige vorm is welkom. Daar is alreeds gevalle waar weiding aangebied is en suksesvol benut word. 'n Projek in Pretoria-omgewing ontvang gesnyde gras van tuine, dit word in pille omgesit wat as voer gebruik word. Meer besonderhede rondom hierdie projekte sal deurgegee word.
- Enige ander hulp wat 'n verskil kan maak is welkom, bv om behulpsaam te wees met die vervoer van hulpmiddele of enige vorm van logistieke ondersteuning.
- Die samewerking met ander denominasies en organisasies in gemeenskappe is belangrik. Gemeentes moet die inisiatief neem om met ander kerkgroepe en instansies te skakel en saam te werk.

Gemeentes is die versamelpunte waar voedselitems besorg kan word. In die verband moet gemeentes asb die infrastruktuur verskaf. Verder reëlings om voedsel by brandpunte te besorg, sal getref word. Geldelike bydraes kan in genoemde rekening inbetaal word. Ons bou die pad soos ons hom ry en daar sal voortdurend met sinodes en gemeentes gekommunikeer word.

#### Inligting wat benodig word

- Wat doen gemeentes en sinodes alreeds, sodat ander gemeentes daarby kan inskakel of soortgelyke projekte kan dupliseer. Gemeentes moet asb laat weet.
- Watter behoeftes is daar in streke en gemeenskappe wat sleg getref is?
- Wat is gemeentes bereid om te doen, watter soort hulp en ondersteuning kan spesifieke gemeentes of sinodes aanbied?
- Watter vennote kan ons betrek? Die praktyk wys dat instansies/individue soms by hulpprojekte betrokke raak vir eie belang. Inligting oor vennote met integriteit is baie belangrik. Gee inligting deur.
- Sinodes en ringe moet die kontakinligting van 'n persoon deurgee wat die droogtehelp in hulle streek gaan help koördineer.

#### Instansies wat reeds hulle hulp aangebied het en waarmee saamgewerk kan word

- **Fast Freight** het aan TLU 'n aanbod gemaak om te help met vervoer van items
- **PicknPay**: gemeentes kan plaaslike takke nader om voedselitems te kry waarvan die raklewe verval het en nog bruikbaar is. Gemeentes moet net by **Foodbank SA** vir 'n konsessie aansoek doen. Hulle kontak besonderhede is: [www.foodbank.org](http://www.foodbank.org) en Andy by [andy@foodbank.org](mailto:andy@foodbank.org). tel: 082 347 4549.

#### Met wie word daar geskakel?

Inligting, soos gevra en enige navrae moet gerig word aan die **Algemene Sekretaris dr Gustav Claassen en ds Leon Venter**. Hulle kontakbesonderhede is: [gustavc@ngkerk.org.za](mailto:gustavc@ngkerk.org.za), 012 342 0092 en [leon@kaapkerk.co.za](mailto:leon@kaapkerk.co.za) 021 957 7113. Koördineerders van ander sinodes se besonderhede sal deurgegee word sodra dit bekend is.

Saam in sy diens

Gustav Claassen  
**Algemene Sekretaris**  
**Algemene Sinode NG Kerk**  
 21.01.2016

[Terug](#)

## Vakatures, aflosposte en aflos-aanbiedinge

- **Wynand van Beek** is beskikbaar vir preekbeurte in die Limpopo streek. Kontak hom by 083 265 1118 / [wynandbe@nfp.nedbank.co.za](mailto:wynandbe@nfp.nedbank.co.za)
- **(Dr) Louis Louw** (emeritus) is beskikbaar vir eredienste en deeltydse aflos/brugbediening in en om Pretoria. Kontak hom by 012-9931574 of 072-461663 of e-pos: [louisklouw@absamail.co.za](mailto:louisklouw@absamail.co.za)
- **(Dr) Gerhard Bothma** is beskikbaar vir die lei van eredienste en deeltydse hulp aan gemeentes in en rondom Pretoria. 0824123479 en [gerhard@drgerhardbothma.co.za](mailto:gerhard@drgerhardbothma.co.za)
- **(Dr) Martin Lazenby** (emeritus) is beskikbaar vir eredienste, of pastorale pos vir seniors of selfs 'n kontrakpos, en as brugleraar. Hy kan ook webblaaie ontwerp en instand hou vir gemeentes. Sy kontaknommer is 079 493 4957 en sy e-posadres is: [doklazenby@gmail.com](mailto:doklazenby@gmail.com).
- **Hennie Horn** (emeritus) beskikbaar vir enige afloswerk en preekbeurte in en om Pretoria. Sel 0827439238; landlyn 012 5485796; e-pos [henniehorn@telkomsa.net](mailto:henniehorn@telkomsa.net).
- **Jan Viljoen** is beskikbaar vir preekbeurte/aflos. Kontak hom by 081 241 0676 / 012 310 9114/ [dsJanViljoen@gmail.com](mailto:dsJanViljoen@gmail.com)
- **Stanley JJ Strydom** is beskikbaar vir aflos preekbeurte en kan reis. Kontak hom by 083 299 1090, [stanley.strydom@gmail.com](mailto:stanley.strydom@gmail.com)
- **Ernst Muller** in samewerking met die Taakspan Diensgetuenis is beskikbaar vir bemoedigende uitreikgerigte boodskappe. Kontak hom by 012-527-0015 / 082-656-1107, [erdvark@xsinet.co.za](mailto:erdvark@xsinet.co.za)
- **Bertus van der Westhuyzen** (emeritus) is beskikbaar vir afloswerk landswyd, sowel as in Namibië. Kontak hom by [b@telkomsa.net](mailto:b@telkomsa.net) of 082 788 4466
- **Corrie Greeff (beroepbaar)** is beskikbaar vir afloswerk en preekbeurte en kan reis. Kontaknommer: 0829285586. E-pos: [cwgreeff@absamail.co.za](mailto:cwgreeff@absamail.co.za)
- **Anton Binneman** is beskikbaar vir aflos preekbeurte. Kontak hom by sel 083 236 3590, of [drbinneman@gmail.com](mailto:drbinneman@gmail.com)

- **Danie van Niekerk** - Woonagtig in Centurion en is ook beskikbaar vir preekbeurte. Kontak besonderhede: epos: vanniekerkmail@gmail.com en selfoon: 082 045 6881
- **(Dr) Jannie Botha** - Pretoria en omgewing. Kontak hom by telefoon: 083 303 9767 of 012 344 3768 of jbotha@mweb.co.za
- **(Dr) Louis van Deventer** is beskikbaar om af te los in 'n gemeente. Kontakbesonderhede: e-pos louisvand@absamail.co.za Landlyn: 012 567 6566. Selfoon: 082 567 0945
- **(Ds) Dirk van Zyl** is beskikbaar vir preekbeurte en afloswerk. Kontak hom by landlyn 012-332 0330, selfoon 084 038 8993 of e-pos cecilejvanzyl@gmail.com

### Teologiese studente en proponente:

\* Neem asseblief kennis dat die "rubriek" ontstaan het nadat ons navraag ontvang het vanaf gemeentes wat leraars se hulp op 'n kort termyn nodig het, asook leraars wat beskikbaar is om deelyds of op 'n kort termyn te help.

\* Die Fakulteit (Univ van Pretoria) stel, net na die legitimasië gedurende November, wel die name en kontakbesonderhede van die proponente beskikbaar. Dit word dan in die Kerkbode opgeneem en wyd versprei.

[Terug](#)

## **Proponente – Pretoria 2015**

**JOHANNES THEODORUS (Hanno) ACKERMAN** is op 9 Maart 1991 gebore. Sy kontaknommers is 079 543 5261 / 012 997 2103, of e-pos hannaackerman@yahoo.com.

**CARINE BOTHA** is gebore op 5 Januarie 1990. Carine kan gekontak word te Wernerstraat 8, Del-Judor x2, Witbank, 1035 / 082 572 3537 / botha.carine@gmail.com.

**HELENA PETRONELLA (Ronel) COERTZEN** is gebore op 19 Mei 1967. Ronel kan gekontak word by 074 606 7352 / ronelc1905@gmail.com.

**WILLEM CHRISTOFFEL (Willie) CROUS** is gebore op 18 September 1969. Willie kan gekontak word by 072 536 6775 / willie.crous@gmail.com.

**MÉRI DU RANDT** is gebore op 8 April 1991 Méri tree op 14 November in die huwelik met Juan Schoeman en kan gekontak word by 074 432 4714 / meraai.durandt@gmail.com.

**MARIKE GLAS** is gebore op 22 Mei 1990. Sy kan gekontak word by 082 801 4369 / marikeglas@gmail.com.

**CARLA GROBBELAAR** is gebore op 2 Mei 1991. Carla kan gekontak word by carlagrobbies@gmail.com / 079 876 8471.

**GERRIT JOHANNES (Nicky) HATTINGH** is gebore op 8 Desember 1991. Nicky se kontakbesonderhede is 083 357 2420 / nickyhattingh@gmail.com / 805 Floraunaweg, Pretoria-Noord, 0182.

**JOHANNES MARIUS (Johannes) JANSE VAN RENSBURG** is gebore op 29 September 1981. Johannes se kontakdetails is 083 412 4530 / mjohannesjvr@gmail.com.

**PETRO JONKER** is gebore op 21 Julie 1991. Petro kan gekontak word by 072 048 9856 / petrojonker3@gmail.com.

**FRIEDRICH KOTZÉ** is gebore 2 Januarie 1991. Friedrich kan gekontak word by friedrichk121@gmail.com of 082 948 8254 / 014 736 6008.

**MARCO LA GRANGE** is gebore op 11 Februarie 1991 en is getroud met Anika. Marco kan bereik word by 072 446 3940 / marcolagrang@icloud.com.

**THOMAS IGNATIUS FERREIRA (Ferreira) MARAIS** is gebore op 7 Julie 1984. Ferreira is getroud met Carla Marais. Hy kan gekontak word by 072 804 0621 / ferreiramarais@gmail.com.

**ANTHONY PEARSON** is gebore op 22 Mei 1991. Anthony kan gekontak word by Brecherstraat 70, Clydesdale, 0002 / 082 467 3348 / anthony.pearson22@me.com

**GEORG FREDERICK (Freddie) PROZESKY** is gebore op 18 Desember 1991. Freddie kan gekontak word by freddieprozesky@gmail.com / 076 988 7908

**WAYNE RENKIN** is gebore op 19 September 1991. Wayne kan gekontak word by 084 444 6132 / waynerenkin@gmail.com

**JACOBUS ARNOLDUS (Jac) STOFBERG** is gebore op 18 Februarie 1982 en is getroud met Isabelle en hulle het 'n seun en 'n dogter. Jac kan gekontak word by 1806 Essenwood Crescent, Noordwyk, Midrand, 1687 of jacstofberg@gmail.com/061 440 0541

**JANINE WANDA TRUTER** is gebore op 15 Julie 1991. Janine kan gekontak word by jini4life@live.com / 072 806 9549 / 012 997 1427.

**ANDRIES JOHANNES JACOBUS (Adriaan) VAN TONDER** is gebore 11 April 1991. Adriaan kan gekontak word by 083 565 3641 / adriaanvt@mweb.co.za of u10068725@gmail.com / Fouriestraat 9, Oudtshoorn, 6625.

**LELANI VAN ZYL** is gebore op 30 April 1991. Lelani kan gekontak word by 084 392 1985 / lelanivz5@gmail.com

**LEENDERT JELLE WIJNJA** is gebore op 24 Februarie 1989. Hy kan gekontak word by 072 681 9143 / leendertwijnja@gmail.com



## NA COLLOQUIUM DOCTUM

ODENDAAL, Riaan. Riaan is getroud met Jacqueline. Riaan kan gekontak word by [riaan.odendaal@telkomsa.net](mailto:riaan.odendaal@telkomsa.net) / 082 497 1891.

[Terug](#)

## Magaliesberg NG Jeugkampterrein

### Bestuurderspos: Terrein Bestuurder

Magaliesberg Jeugkampterrein is 'n terrein in die Magaliesberge naby aan Brits. Die kamp bestaan uit twee terreine wat ontwikkel is veral vir jeugkampe, maar wat ook ander kampe kan hanteer. Die terrein behoort aan die NG Kerk en word bestuur deur 'n beheerraad. Dit kan tot 150 persone huisves en het slaapsale, ablusie eenhede, 'n swembad en twee sale en kombuise.

#### Aansoeke word afgewag vir die pos van 'n voltydse terrein bestuurder. Pligte sal die volgende insluit:

- Om die terrein te bestuur volgens die instruksies van die beheerraad.
- Toesig oor en bestuur van personeel, sekuriteitswagte en kontrakteurs.
- Algemene onderhoud, ontwikkeling en herstelwerk.
- Ontvangs en interaksie met gaste.
- Bemaking van terrein en bestuur van besprekings.
- Bestuur van die terrein se operasionele uitgawes, kontrole oor betalings van besoekers en verslaggewing aan die beheerraad.
- Toesig gedurende naweke is intergraal deel van die pos en verlof moet ingesit word as u afwesig is oor naweke.

#### Die persoon moet aan die volgende vereistes voldoen:

- 'n Beleidende Christen met sterk Christelike waardes en lewensstyl.
- In staat wees om basiese onderhoudswerk self te kan hanteer.
- Goeie menseverhoudinge met beide personeel en gaste.
- Rekenaar vaardig.
- Inwonend op die terrein.
- Geen troeteldiere en geen drank misbruik word toegelaat nie.
- Eie vervoer.

#### Vergoedingspakket:

- R 10 000 per maand alles insluitend.
- Verlyf op die terrein in 'n twee kamer eenheid met "kitchenette" en badkamer.
- Die geleentheid om 'n snoepie vir eie gewin te bedryf.
- 35 dae verlof per jaar.

#### Aansoek:

- Stuur aansoeke plus 'n kort CV, persoonlike motivering en twee verwysings aan [louis.lemmer@telkomsa.net](mailto:louis.lemmer@telkomsa.net)
- Aansoeke sluit 10 Februarie 2016.
- Diens aanvaarding 1 Maart 2016.

[Terug](#)

## Ten slotte

Philip de Bruin (16) het dié brief aan Beeld geskryf.

Liewe Oom,

Ek rig hierdie brief aan Oom sonder dat ek weet wie Oom is, maar in hierdie tyd van nood is daar op my hart gedruk om aan 'n boer te skryf.

Oom sal nie glo hoe 'n groot held en voorbeeld Oom vir my is nie. Oom leef in 'n dekade waar alles in 'n stryd teen Oom gewerp word: plaasmoorde, grondeise, onbehelpsames owerhede en 'n swak ekonomie. Tot die natuur slinger nou die ergste droogte sedert 1904 na Oom toe.

Ondanks alles swoeg en sweet Oom steeds vir die land se voedselsekerheid en vir selfsugtige mense. Dit gee my hoop vir die dag van môre, en veroorsaak dat dit my lewensideaal is om eendag te gaan boer.

Dit gries my wanneer die meerderheid van die bevolking nie omgee oor die droogte nie. Tot my ontsteltenis is baie mense met wie ek praat salig onbewus van hoe erg die droogte Oom-hulle raak. Hulle besef net nie dat Oom-hulle die ruggraat van die land is nie, en dat dit aan Oom te danke is dat hul spense vol is.

Maar dan is daar ook 'n klomp mense wat maar te deeglik die erns van die saak insien. En ek wil Oom bemoedig, want ons is

hier om Oom te ondersteun deur gebed en om aan Oom-hulle te dink. Ons dink daagliks aan hoe Oom hulle moet kyk hoe die oeste verdor en die vee op strepe vrek, sonder om enigiets daaraan te kan doen. Ons bid dat die Here genadig sal wees en Sy hemelsluis sal oopsluit.

Ons weet dat dit al begin reën het in party dele van die land, maar weet ook dat die droogte nog nie gebreek is nie, en dat daar streke is wat nog niks gekry het nie. Maar daar is altyd hoop, want alles is onder die Here se beheer. Ons bid egter dat Oom-hulle besonderse guns in die oë van die Here sal vind, en dat Hy Oom-hulle met wonderwerke te hulp sal snel.

Oom kan maar weet, die Here is aan Oom se kant. En soos die Psalmdigter gesê het: “Al val daar ’n duisend aan jou sy en tienduisend aan jou regterhand – na jou sal niks aankom nie.” Die Here sal by Oom staan soos by Bloedrivier en Oom veilig aan die ander kant bring.

Met die droogte het almal begin om snags tuin nat te maak. Uit vrees dat ons boorgat gaan opdroog, het my ma egter radikale voorsorgmaatreëls ingestel. Ons moet almal nou in skottels staan wanneer ons stort, en dan die opvangwater gebruik om ons toilette te spoel. Ek moes ook ’n pyp aanlê wat al ons wasmasjien se water na buite neem en dan in ’n asblik uitgooi. Omdat die asblik maar 100 liter hou, moet ek en my twee boeties gereeld met emmers die tuin natgooi voordat hy oorloop. My vriend se oë het amper uit sy kop geval toe my ma roep en ons net emmers gryp asof ons wil brand blus, om eintlik net tuin nat te gooi. Ek is darem nou besig om ’n pyp te koppel om die taak te vergemaklik, maar ons maak tot dusver ’n komieklike prentjie.

Nietemin, ek hoop regtig dat dit by Oom sal reën en dat Oom die Here se liefde en seën daagliks sal ervaar. Ek bid dat alles op Oom se plaas sal herstel na wat dit was voor die droogte, en beter.

En ek wil Oom seën met die lirieke van Adam Tas se liedjie “Jy is boer”:

Mag dit reën waar jou beeste wei,  
Mag dit goed gaan met jou.  
Mag jou skape begin jakkals jag,  
Mag jou koring silo’s bou.  
Mag jou spilpuntpomp met water werk,  
Mag jou Cruiser lig op brandstof wees.  
Mag jou heinings altyd regop staan,  
Mag jou vee vanself genees.  
Want jy is boer,  
Hierdie is my wens vir jou:  
Jy sal staan as alles om jou vou,  
Jy sal plant al is die reën te laat,  
Jy sal glo in die Hand van Bo,  
Wat alles weer nat sal maak.  
Mag jou vrugtebome kromrug dra,  
Mag fonteine om jou lande lê.  
Mag ons wat honger en dors is,  
Net so bietjie vir jou dankie sê . . .

En ek bid ook vir Oom. Numeri 6:24-26: “Die Here sal jou seën en jou behoed; die Here sal Sy aangesig oor jou laat skyn en jou genadig wees; die Here sal Sy aangesig oor jou verhef en aan jou vrede gee.” Voeg daarby al die seëninge van Deuteronomium 28.

Ek wil namens myself, maar ook die volk en die land vir Oom bedank vir alles wat Oom vir ons doen. Baie dankie vir al die kos wat Oom al aan ons gelewer het, en dankie vir al daardie ure se harde arbeid, en dat Oom so baie opgeoffer het om vir ons spys te verbou. Dankie vir Óóm se bydrae tot ons land en sy mense, en dankie vir Óóm se voorbeeld aan my.

Moenie bekommerd wees nie, die Here bring uitkoms!

Liefde, Philip

[Terug](#)

